

2020

**RUANGMEI**

**(Modern Indian Language)**

**Full Marks : 100**

**Pass Marks : 33**

**Time : Three hours**

**Thaylou khang :**

- (i) Latthanv che hei kalangv padeih A, B, C khatnic D twna khaklange pat re.
- (ii) Latthanv kaguayna zamh full marks nzat biak margin khou lyanlou e.
- (iii) Latthanv kaguayna daw nina e.

**KALANGV – A**

**(LATCHYAM/PROSE)**

1. **Latthanv guay hei latkaeng 50-60 dou khou daw o :** 4×2=8
  - (a) Hymeis rui tabui zaeng 'AIDS lam mincna thaymei twmei hei mi ravpuat khourui ngaekpat khang akhat namei chaeng kiu e'saa bam tu cho ?
  - (b) Chumhzihlung rui karaana kata 'ngasatna amay' twna ning bammei lam tabui cho?
2. **Latthanv guay hei latkaeng 40-50 dou khou daw o :** 3×3=9
  - (a) Kulanang lam khou duina hy o.
  - (b) Ntumei khang nic nggaanmei lev nchame raphmei ngamv'zi nai de twmei twkumh Daicthuih rui lyanlou kan cho?
  - (c) Maansei lwnlung daicthaumei lwan khou Michael Faraday rui tabui lam khou nkhavlou cho?

P.T.O.

3. **Latthanv guay hei latkaeng 25-30 dou khou daw o :** 2×3=6
- (a) Liamnav Gaydinliu alauc douc twkumh lungethau kan cho?
- (b) Chumhzihlung tabui zaeng kangkai bam tat kan tu cho?
- (c) Nthaaanh zanc suange tu kanmei Miantiimei guay tei tukumh kan cho?

4. **Kabange khou tiilou bammei latthanv guay hei latrian akhat khou daw o :** 1×2=2
- (a) *“Dui, dui, kabamv kathuih dui, tyki dui thw akhat na sihnic zangv nuhmei tho maek”*  
Mi latbamv hei thow rui saalou tu cho?
- (b) Rani Gaidinliu tabui bw khou puanc cho?

**(LUCHYAM/POETRY)**

5. **Latthanv guay hei latkaeng 50-60 dou khou daw o :** 4×2=8
- (a) Lungesiimeipui tei Pukphabw twan pat pwkhou twkumh lunge kan cho?
- (b) Luchyamhypouc rui tabui zaeng theihmei hei nganaa lakmei nganvbamv chaenglwan e twna saa bam tu cho?
6. **Thanv bammei latthanv hei latkaeng 40-50 lunge khou daw o :** 3×3=9
- (a) Lubuanneic kakai khou phezy pamena dak bampui nungc ramhougai ta luchyamhypouc rui tabui lev saa kidaalou cho?
- (b) Luchyamhypouc Lungkubon rui kahawna ney bammei ningtyng tei twkumhpui ningtyng zaat ta cho?
- (c) *“Maek ge gutloupui bamv mi kandic khou lungesiimeipui akhang”*  
Luchyamhymeimei rui tabui zaeng lungesiimeipui khang gutloupui bamv maek ge saa bam tu cho ?

7. **Kabange khou tiiloumei latthanv guay hei latkaeng 30-40 dou piuna daw o :** 2×3=6

- (a) Raengdaic ta kazai naimei nruay e twna saa bammei lam hy o.
- (b) Lanbon rui aniw maansei theic kanmei iev ringe bam duhmei ta tukumh saalou cho?
- (c) Hukhyamlaeng rui kazy zaenge khou ningkhue ninglikpui tangv tabui thay pat kan cho?

8. **Kabange khou latthanv hei latrian akhat khou daw o:** 1×2=2

- (a) Twkumhpui mei ta nzian ranvna lungkhang Hukhyamlaeng rui dinclou cho?
- (b) “Zouhmuanc gaymei tho tary rvng tuang kachav de.”  
Mi latbamv rui Lubuanneic ta tabui saa nii bam tu cho?

### **KALANGV – B (PAHMEI/READING)**

9. **Latdangv hei pac lana latthanv guay daw o :** 2×5=10

“Bauhmei taanv taanhpuipaan rui aniu bauh tw e.” twna Aristotle rui katuang *Nicomachean Ethics* khou hylou e. Panty khou kunghmei, ngam lakmei twmei hei chadaana kachav sw pwkhou na rui ngam e. Aniu ta kapin karaammei ta athwngmei hei pingmei e tw khang mack ge. Mi tei zammei taanv hamh the, bauhmei taanv di the. Pingmei tho athwng makmei tei di the. Kum e cho tyki ngam lak nimei lwn thay takhaanvna bauc the twna athwngmei tho zammei suange sii ranv dat di he. Kum tina Americamei Novel hymcipu Herman Melville tuang *Moby-Dick* khou hero Starbuck rui saa e. “Khav daihmei ta khat sihnic ping makmei mei tho atuang runge khou tuange nuh mak ge.” Mi rui dinhmei tho khav daihmei duipui khou nai e, maanseina rui ngam ni tuang hamh e. Ngam lak nimei ta thayna ping makna athwng e thei tho suai makna ramhsic how pwni the tw tuang e. Mi kumhmei mei tei tho bauhmei mei hamhna zawsimee khatnic theihmei phungc guang nimee mei de.

Bauhmei mei twmei tho ramh khat na ta sihnic pingmei mackmei ta hamh e. Pingmei nai sihnic swangdwang mackpui ganv khou zammei lwn swna kaningtyng paan rui nkhav ngammei azuh nic nai de. Mi kumhmei mei rui bauhmei mei khang suangc kage naipui ganv ni nai muay the. Kaganv lev kabamv chaana kaningtyng naina taanc patmei tei de meic guay rui lwanlou nuhmei twmei kiu! Kalingna bauh makmei mei rui bauhmei taanv taanhmei tho charuange, zaatc ta tikabiulou khang na di the. "Ping riu" twna gaanvkhat ta saa ngammei hei saa bammeipu tei duak nuhmei chaeng akhat nai de twmei thay nthan thiakmei rui saa tw de. Pingmei akhat rui gaanvkhat ta mi lat hei saa nuh mak ge. Ngamv naina kalam nchumhmei khang bauhmei mei tei tho zaykauh thaulou nina e.

- (a) "Bauhmei taanv taanhpui paan rui aniu bauh tw e." Tabui saa tw cho hy o.
- (b) Tabui zaeng rui hymei rui zammei mei suangc bauhmei mei na rui sii ranv e saa bam tw cho ?
- (c) *Moby-Dick* tuang hero Starbuck rui tabui zaeng khav daihmei ta ping makmei guay katuang rung c khou tuangc nuh mak ge saa kan tw cho ?
- (d) Bauhmei mei suangc zammei mei rui twkumhpui ganv khou kage nai cho ?
- (e) Thowkumhmei mei rui gaanvkhat ta "ping riu" twna saa nina cho ?

10. **Kabangc khou tiiloumei latdangv hei pac lana**

- (a) Note kasiambh o. 3
- (b) Note khoutei rui *summary* hy o. 3

Kandih khou maanseina lunghmei lwan guay khou hei pumtan (energy) kage nai e. Mi hei neih khou rui patmei raana e. Asei daicthaumei zuk di the twna *electric* mai sinsw bammei, gari thou bammei kaguay hei neih khou rui laatowmei *energy* syn de. Ringhpaan naimei panty guay hei neih khou ngangvlouna lungc e. Kum e cho tikh ntw tho neih khou rui hamhmei

*energy* laadowmei bamv akhat nai the. Mi hei rui maansei kin azuh khou reyliangmei akhat re. Mi kiu tho atom lungc khou naimei pumtan, *atomic energy* kaw bammei hei the.

Ramh kataa karaana hei atom rui kasiamei raana the. Nang nic, ai nic kaguayna *atom* khou rui raana e. How bammei kaguayna hei *atom* riakchakui dou na rui kasiamei tuang e. Kum khwan sihnic puatc tho riakchakui na hamh e. *English alphabet* 26 na de tiki mi hiak guay hei duanc kariuna latkaeng padik kasiamei patmei kumc *atom* guay rui nic ramh padik kasiamei pat tuang e.

### KALANGV – C (HYMEI/WRITING)

11. **Tiiloumei Outline hei piuna pary damena hysuak pat ro :** 4

Reynunge Ruangmei namv ..... lungcaymei lev lungsiimei rui padik ge. .... kazanc Gaythaulung kawmei rui namypouc ..... Nap nkow dai nkow .... chabwan guay neihlaa the. Kaigeime theic ngam ..... Ravpuat gay datna .... Gaythaulunge theic the.

12. Thowkumhmei tuang theihbeih mung akhat khou nang ni tat kazauhlou the. Mi lam khoutei nsunh-sah tuang report akhat hy o. 4

13. **Kabangc khou tiiloumei latbamv hei tiiloumei *Outlines* sinswna Essay latkaeng 180-200 lungc khou hy o :** 8

- (a) Ai Khaamvthan Nowsuan Suanhpui Nungc Kiu !

[ **Outlines** : Kahouhmei / tabui cho – tabui zaeng rui suanh tuang – mi nungc kiut wkumh nic – thau dat nime chabwan guay khang latdyn – luailoumei ]

#### *Hamhethai*

- (b) Chaengzaymei

[ **Outlines** : Kahouhmei/tabui cho – charuange khou kathouc – lwanlou nuhmei chaengzaymei – luailoumei ]

14. Chwnlyng Phaomei rui 'Hymgaanhriw' chamvche tuang nzangmei (editor) khou kachwn ndauhna 'aniu zaat hei saengethau daicethau khang kasiamh makna kamung karuang laenghlouna tu-zangvna syandui azuh swmaan bammei hei nthack la kho' twmei taddyn akhat hy e. Mi taddyn kiu hy pat ro. 8

*Hamhethai*

Zonal Education Officer (ZEO) office. Luangmai khou Computer operator taanv bamv kaw bam e. Mi taanv khang tei nang tuang bio-data kazauhmei taanvdui taddyn akhat hy o.

**KALANGV – D (LATRIAK / GRAMMAR)**

15. (a) Khwandi (phoneme) kathumh kariuna ruanglat latkaeng akhat hy pat ro. 1  
 (b) "Maiswm mut ni khou khou katyn e."  
 Mi latrian khou khwangwan madanhmei latkaeng azuh nai cho? 1
16. (a) "Tingkwm riakdei tange the." 1  
 Mi latrian khou rui Adjective latkaeng hy pat ro.  
 (b) "Meicgaymei chwn khou chuzaenghmei nai e." 1  
 Mi latrian khou rui verb taanv taanhmei latkaeng kapah pat ro.
17. **Tiiloumei latrian khourui latpaa hy pat ro :** 1×2=2  
 (a) Meicsiimei nunc rui gaanvkhat ta kathouh karanghna lunge e.  
 (b) Miktiatmei tho katham kathuina tat re.
18. **Latthanv hei pac lana tiilou bammei latdaw padeih pange khourui nchumh liangmei latdaw kapahna hypat ro:** 1×4=4  
 (a) "Kulanang baanzat patmei nruna e."  
 Mi latrian khou 'baanzat patmei' twmei hei  
 (i) latchuam e (ii) latriannac e  
 (iii) latthiap be (iv) latmii e

- (b) “Zianggam kabaanc rui nrah zay e”  
Mi latrian tuang lwnlung (sentence structure) kapah o.
- (i) Subject + instrumental + verb + e
  - (ii) Subject + genitive + noun + verb + e
  - (iii) Subject + instrumental + object + verb + e
  - (iv) Subject + object + noun + verb + e
- (c) “Chaeng raan baa thing riu” twmei latchap kabac tabui cho ?
- (i) Tat nipui chaeng tat dat makmei tw tuang e.
  - (ii) Riangruaih riang sw tackloumei tw tuang e.
  - (iii) Chaeng guangc tat pwkhou phaysuymeime tw tuang e.
  - (iv) Gaanvkhat ta titat mak khang chaeng sw thingmei tw tuang e.
- (d) “Kamang nac zaythau kume” twmei latchap nchumhna piupui thiak kapah o.
- (i) Pumhgaymei Rwangmeilanv bowna zaythau datmei mu kamangc nac zaythau kume dyng the.
  - (ii) Kaningtyng naimeime Rwangmeilanv rui lat saa pwkhou kamangc nac zaythau kume twmei kiu dyng the.
  - (iii) Kariang karuai lwn thaymeime Rwangmeilanv tarai guangmeime mu kamangc nac zaythau tw di the.
  - (iv) Kaluay siimeime Rwangmeilanv tanpui kawloumeime mu kamangc nac zaythau kume twmei kiu di the.